



БАЯН-ӨЛГИЙ АЙМГИЙН
ЗАСАГ ДАРГЫН
ЗАХИРАМЖ

2020 оны 03 сарын 13 өдөр

Дугаар А/157

Өлгий

Дүрэм, Орон тоо батлах тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.1.5-ын "а", 29.2, Төсвийн тухай хуулийн 65 дугаар зүйлийн 65.1.8, Биеийн тамир, спортын тухай хуулийн 10.1.1,11.1.1, Эрүүл мэнд, спортын сайдын 2015 оны 35 дугаар тушаал, аймгийн ИТХ-ын 2019 оны 72 дугаар тогтоолын заалтуудыг тус тус үндэслэн ЗАХИРАМЖЛАХ нь:

1. Аймгийн Засаг даргын дэргэдэх Биеийн тамир, спортын газрын дүрмийг нэгдүгээр хавсралтаар, бүтэц, орон тоог хоёрдугаар хавсралтаар баталсугай.
2. Батлагдсан бүтэц орон тоог баримтлан ажиллахыг Биеийн тамир спортын газар/Х.Хайнар/-т даалгасугай.
3. Захирамжийн хэрэгжилтэд хяналт тавьж ажиллахыг Нийгмийн бодлогын хэлтэс/К.Бекжан/-т үүрэг болгосугай.
4. Энэхүү захирамж гарсантай холбогдуулан 2017 оны А/329 дүгээр захирамжийг хүчингүй болсонд тооцсугай.

ЗАСАГ ДАРГА



А.ГЫЛЫМХАН

Аймгийн Засаг даргын 2020 оны /Хүдугаар/ захирамжийн нэгдүгээр хавсралт



БАЯН-ӨЛГИЙ АЙМГИЙН БИЕИЙН ТАМИР СПОРТЫН ГАЗРЫН ДҮРЭМ

Нэг. Нийтлэг үндэслэл

1. Биеийн тамир, спортын газар /цаашид газар гэх/-ын үйл ажиллагааны чиглэл, эрх, үүрэг хэрэгжүүлэхтэй холбогдох харилцааг энэхүү дүрмээр зохицуулна.
2. Газар нь үйл ажиллагаандаа Биеийн тамир, спортын талаар төрөөс баримтлах бодлого, Биеийн тамир, спортын тухай хууль, Төрийн албаны тухай хууль, Хөдөлмөрийн тухай хууль, Биеийн тамир, спортыг хөгжүүлэх үндэсний хөтөлбөр, биеийн тамир, спортын асуудал эрхэлсэн төрийн захиргааны төв болон ИТХурал, Засаг даргын шийдвэр, бусад холбогдох хууль тогтоомж стандарт, холбогдох дүрэм, журам, зааврыг мөрдлөг болгоно.
3. Байгууллагын ажиллагсдын болон дотоод ажлын зохион байгуулалтыг байгууллагын дотоод журам, үр дүнгийн болон хөдөлмөрийн гэрээгээр зохицуулна.

Хоёр. Үйл ажиллагааны чиглэл

1. Газар нь өөрийн харьяалагдах нутаг дэвсгэрийн хүн амд үзүүлэх биеийн тамир, спортын ажил, үйлчилгээг удирдан зохион байгуулах, орон нутгийн онцлог, хүн амын хэрэгцээнд нийцсэн бодлого, хөтөлбөр, стратеги төлөвлөлт боловсруулан батлуулж, удирдлага зохион байгуулалтаар хангаж, хэрэгжүүлэх.
2. УИХ, Засгийн газар, биеийн тамир, спортын асуудал эрхэлсэн төрийн захиргааны төв байгууллага болон орон нутгийн захиргааны байгууллагын шийдвэрийг хэрэгжүүлэх, мэдээллээр хангах, мэргэжил, арга зүйн дэмжлэг үзүүлэх.
3. Биеийн тамир, спорттой холбогдон гарсан бодлого, хөтөлбөр, тушаал, шийдвэрийг бусад салбар, аж ахуй нэгж, байгууллага, спортын холбоод, клуб, иргэдэд сурталчлан таниулах, оролцоог хангах арга хэмжээг зохион байгуулах.
4. Тухайн нутаг дэвсгэрийн хүн ам, ялангуяа хүүхэд залуучууд, хөгжлийн бэрхшээлтэй иргэд, байгууллага хамт олон хөдөлгөөний хомсдолд өртөх магадлал бүхий бүлэг, биеийн тамир, спортоор хичээллэдэггүй бүлэг, биеийн тамир, спортын үйл ажиллагаанд шаардагдах хөрөнгийг жил бүрийн төсвийн төсөлд тусгуулах, төсвийн төлөвлөлт, гүйцэтгэлд хяналт тавих, санхүүгийн мэдээ, тайланг нэгтгэх, үнэлэлт, дүгнэлт өгөх.
5. Орон нутгийн онцлогт тохирсон биеийн тамир, спортын төрлийг хөгжүүлэх
6. Олон улсын болон дотоодын спортын тэмцээн уралдаан зохион байгуулах, түүнд багш дасгалжуулагч, тамирчин, байгууллагын зохистой хамтын ажиллагаа бий болгох, тамирчдаа бэлтгэн оролцуулах, амжилт гарах нөхцөлийг бүрдүүлэх, идэвхи санаачлалыг өрнүүлэх механизм бий болгон ажиллах.
7. Аймагт /Бокс, Хүндийн өргөлт, Таеквондо, Жүдо, Чөлөөт бөх, Волейбол, Сагсан бөмбөг, Хөл бөмбөг/ гэсэн төрлүүдээр аймгийн Засаг даргын баталсан журмын дагуу байгуулж, шигшээ багийн сургалт дасгалжуулалтад дэмжлэг үзүүлэх
8. Харьяалах хүн амын биеийн тамир спортын эрэлт хэрэгцээнд нийцсэн үйлчилгээ үзүүлэхэд шаардагдах төсвийн бус санхүүгийн эх үүсвэр, материаллаг бааз бий болгох ажил зохион байгуулах, санаачлагуудыг дэмжих.

9.Хүн амын тоонд тулгуурлан спортын барилга болон ногоон байгууламж бүхий байгууламж талбай, биеийн тамир, спортын хэрэглэл материалын бодит хэрэгцээг тодорхойлж, 8-12 жилийн төлөвлөлт гарган Засаг даргын зөвлөлөөр хэлэлцүүлэн батлуулж ажиллах.

10.Спортын барилга байгууламжийн төлөвлөлтийг хийхдээ ногоон байгууламжтай, иргэдийн амарч, зугаалах ая тухыг бүрдүүлсэн гүйлт, аялал, дугуйн зам, сагсан бөмбөг, хөл бөмбөг, теннис зэрэг спортын задгай талбай бүхий спортын паркийг төр, хувийн хэвшлийн түншлэл, хамтын ажиллагааны үр дүнд бий болгох чиглэлийг барьж ажиллах.

11.Хүн амын тоонд тулгуурласан биеийн тамир спортын хүний нөөцийн хэрэгцээг тогтоож, аймаг, сум, багт хүний нөөцийг бүрдүүлэх, төрийн бус байгууллага болон бусад салбарт ажиллаж байгаа, биеийн тамир спортын асуудал хариуцсан ажилтан мэргэжил, арга зүйгээр ханган ажиллах

12.Биеийн тамир спортын чиглэлээр ажиллаж байгаа биеийн тамир, спортын холбоо, клуб, хамтлаг болон аялал, алхалт, чийрэгжилт зэрэг сайн дураар байгуулагдсан олон нийтийн биеийн тамирын бүлгүүдэд материаллаг баазын болон мэргэжил, арга зүйн дэмжлэг үзүүлж, хамтран ажиллах.

13.Хүн амын бүлэг, нас, ажил, амьдралын онцлог, сонирхолд нийцсэн биеийн тамир, спорт, чийрэгжүүлэлтийн зөвлөмж, аргачлал боловсруулж, бие бялдрын хөгжил чийрэгжилтийн түвшин тогтоох, хүн амын биеийн хөгжлийн чадваруудыг сайжруулах ажил зохион байгуулах

14.Биеийн тамир, спортын ажил, үйлчилгээний хүртээмжийг сайжруулах зорилгоор хүн ам биеийн тамир, спортоор хичээллэх аюулгүй, эрүүл орчин нөхцөлийг хот суурин газрын захиргааны байгууллага болон бусад холбогдох салбар, байгууллагуудтай хамтран байгуулах, ялангуяа хөгжлийн бэрхшээлтэй иргэдийг биеийн тамир, спортоор хичээллэх орчин нөхцөлийг бүрдүүлэхэд анхаарч ажиллах

15.Биеийн тамир, спортын чиглэлээр гарсан стандарт, журам, заавар, зөвлөмжийн хэрэгжилтийг хангах, орон нутгийн холбогдох хяналт шалгалтын байгууллагатай хамтран хяналт шалгалтыг зохион байгуулж, тулгамдсан асуудлыг тогтоох, бэрхшээл, зөрчлийг арилгах арга хэмжээг авах

16.Биеийн тамир спортын статистик мэдээг гаргах, тайлагнах, дүн мэдээнд үндэслэн хяналт-шинжилгээ, үнэлгээний тайлан боловсруулах, тайлагнах, олон нийтэд мэдээлэх

17.Биеийн тамир, спортыг хүний эрүүл мэнд, бие бялдрын хөгжил, авьяас чадварт тулгуурлан шинжлэх ухааны үндэслэлтэйгээр хөгжүүлэх ажил зохион байгуулах

18.Биеийн тамир, спортын зарим ажил үйлчилгээг төрийн бус байгууллагаар гэрээгээр гүйцэтгүүлэх ажлыг судлан хэрэгжүүлэх

19.Байгууллагын ажиллагсдын нийгмийн баталгаа, нийгмийн хамгааллын асуудлыг судлан шийдвэрлэх

20.Биеийн тамир, спортыг архи, тамхи, допингоос ангид байлгах сурталчилгаа зохион байгуулах, орчин бүрдүүлэх

Гүрээ. Удирдлага, зохион байгуулалт

1.Биеийн тамир, спортын газрын дарга нь Төсвийн менежер байх бөгөөд Засаг даргатай гүйцэтгэлийн төлөвлөгөө батлуулан гэрээ байгуулж ажиллана.

2.Газар нь удирдлага, санхүү, аж ахуйн хувьд бие даан ажиллах ба “Биеийн тамир, спортын газар” гэсэн албан бичгийн хэвлэмэл хуудас, тэмдэг хэрэглэнэ.

3.Газар нь харьяа нутаг дэвсгэрийн хэмжээнд биеийн тамир, спортын үйл ажиллагааг бүхэлд нь удирдах ба бүтэц, зохион байгуулалтыг боловсронгуй болгох, чанар, хүртээмжийг сайжруулах, хүний нөөцийн бодлогыг хэрэгжүүлэх, санхүү хөрөнгө нөөцийг хуваарилах, хяналт тавих асуудлыг эрхэлж, Засаг дарга, Боловсрол, соёл, шинжлэх ухаан спортын сайдын өмнө хариуцна.

4.Байгууллагын орон тоог орон нутгийн хүн амын онцлог, хэрэгцээнд тулгуурлан тогтоож, дүрэм, бүтэц зохион байгуулалтыг Засаг даргаар батлуулан ажиллана.

5.Байгууллага, аж ахуйн нэгж, салбар дундын болон иргэдийн оролцоог хангах ажлыг зохицуулах орон тооны бус зөвлөлтэй байж болно.

Дөрөв. Эрх, үүрэг

4.1.Биеийн тамир спортын газрын эрх:

1.Харьяалах нутаг дэвсгэртээ үйл ажиллагаа явуулж байгаа өмчийн бүх хэлбэрийн байгууллагуудад биеийн тамир, спортын чиглэлээр мэргэжил арга зүйн зөвлөгөө өгөх, шаардлага тавих.

2.Биеийн тамир, спортын чиглэлээрх үйл ажиллагааг орон нутгийн түвшинд зохион байгуулах, тус үйл ажиллагаанд иргэд, олон нийт, аж ахуйн нэгж байгууллагыг татан оролцуулах.

3.Биеийн тамир, спортын улсын төсвийн болон орон нутгийн төсвийн санхүүжилтийн менежментийг сайжруулах, үр ашгийг нэмэгдүүлэх, орон нутгийн биеийн тамир, спортын үйл ажиллагааны төсвийн бус санхүүжилтийг нэмэгдүүлэх, биеийн тамир, спортын орон нутгийн нийгэм, эдийн засгийн хөгжилд оруулах өгөөжийг нэмэгдүүлэх санаачлан гаргах, өгөөжийг тооцох

4.Өөрийн орны болон гадаад орны ижил төрлийн байгууллагатай хамтран ажиллах гэрээ, хэлцэл хийх

5.Төрийн одон, медаль, салбарын болон нутгийн захиргааны байгууллагын шагналд идэвх зүтгэлтэй, санаачлагатай, үр бүтээлтэй ажиллаж байгаа тамирчин, багш дасгалжуулагчид, албан хаагчид, иргэд, аж ахуйн нэгж, байгууллагын нэрийг дэвшүүлэх, урамшуулах.

6.Хуульд заасан эрхийн хүрээнд ажилтныг томилох, чөлөөлөх, албан тушаалаас нь бууруулах, өөр албан тушаалд шилжүүлэх, сэлгэн ажиллуулах, түр чөлөөлөх, халах.

7.Орон нутагт үйл ажиллагаа явуулж байгаа төрийн бус байгууллагатай хамтын ажиллагааны гэрээ байгуулах, явуулж байгаа тэмцээн уралдааны зохион байгуулалт, гүйцэтгэлд хяналт тавих, мэдээ тайлан авах.

4.2.Биеийн тамир спортын газрын үүрэг:

1.Биеийн тамир, спортын талаар гарсан бодлого, хууль тогтоомж, Засгийн газрын болон аймгийн Засаг даргын үйл ажиллагааны хөтөлбөрт тусгагдсан зорилт арга хэмжээг хяналтанд авч, хэрэгжилтийг ханган ажиллах, холбогдох газарт тайлагнах.

2.Биеийн тамир, спортын асуудал эрхэлсэн төрийн захиргааны төв болон нутгийн захиргааны байгууллагаас гаргасан эрх зүйн акт, стандарт, удирдамж, мэргэжлийн хяналтын улсын байцаагчийн акт, шаардлагыг хэрэгжүүлэх

3.Орон нутгийн биеийн тамир, спортын үйлчилгээний, хэрэгцээ шаардлагыг тодорхойлох судалгаа хийж, тэргүүлэх чиглэл, хөгжлийн хэтийн төлөвийг тодорхойлох

4.Хүн амын бүлэг, нас, ажил, амьдралын онцлогт нийцсэн биеийн тамир спорт чийрэгжүүлэлтийн ажил, үйлчилгээг зохион байгуулах

5.Байгууллагын үйл ажиллагааг сайжруулах, төсвийг үр ашигтай ашиглах, биеийн тамир, спортын заал талбайг ашиглан хийх ажил үйлчилгээний үнэ тарифыг иргэдэд ил тод, нээлттэй байлгах, хяналт тавих

6.Орон нутгийн биеийн тамир, спортын барилга байгууламж, хөрөнгө оруулалтын төлөвлөгөөг хийх, шинэчлэх, бүртгэлийн мэдээний санг байгуулж ажиллуулах

7.Хүүхэд өсвөр үе, залуучуудын бие бялдрын хөгжлийг сайжруулах, спортод дуртай болгох, биеийн тамирын хичээлийн үр өгөөжийг сайжруулах талаар холбогдох **боловсролын байгууллагатай** хүн амын хөдөлгөөний хомсдлыг бууруулах асуудлаар **эрүүл мэндийн байгууллагатай** хамтран ажиллах

8.Өөрийн үйл ажиллагааг олон нийтэд сурталчлах, урамшуулан дэмжих чиглэлээр төр олон нийт, хувийн хэвшлийн байгууллагын оролцоог нэмэгдүүлэх, хамтран ажиллах

9.Сумдын биеийн тамир, спортын арга зүйчийг удирдлага мэргэжил арга зүйгээр хангаж ажиллах

10.Орон нутагт биеийн тамир, спортын хүний нөөцийг тогтвортой ажиллуулах, мэдлэг мэргэшлийг дээшлүүлэх

11.Байгууллагын ажиллагсдын ажиллах нөхцөл, нийгмийн баталгааг нь хангах арга хэмжээг зохион байгуулах

_____оОо_____